

Sho he te than ata ççy dduan ty banjin njerisy ççy kan hakjeny ma ezhezhy he ddiaxyty nga pisa. E stipyrr, i ndandyr, i vun ggramba te balytty, i vun nji krikjy ddrurixy ngrahy e jan ççy e kjenjiny te Raxi. E ban ççy ngy myny rriry ma ingriery, he kambyty e shaljyty i ddridhen si fretaty te era, e dduket istohitty si nj zzop kjattr kur e ruany. Nzitu, kite ketty shonjy; m mir ishy ngy sit ižyny ty ddekura, ppy mos myny shojiny. E veshyty ngy ketty gjegjijiny, o Enderme, Jan ççy arrenjin: frinjin, jany ato. Ruaji, mamy, ruuaxy biriny e tany: Jan ma ty tidhura ppy ata sity e tande ççy e ruanjiny he jo ggozhdety ççy i kilasyn te zhamera. //

ENDERMA:

(She ty biriny me krikjy ngrahy)

Biry, biry, birimy, kushy ty bari kustu, kushy bari kita, kushy kilje, te ku ast ki njeri iljikky, kushy ast? Mua ketty my kižyny bany kita, u ketty ddezhy ppy tixy. Ti e ddeže, ndy mosy nga kjiali ty kižyny ndihury, he ti ppy kjialy ke shurbiery. E ti, kjialy, kjialy, priççe ngy e ndihe, ççy ty bari mosy e ndiheje? E ddi he ai ketty nzirhy nga pisa njerisy e ketty mbiliny dderyn e Pisesy ppy mos vejiny ma njerisy; e ddi e thomy he ki ççy ast ççy pisony asty shumy; ngy ketty e pisony. jo, jo, jo, ngy ketty e skony kita. Bir, bir, fritty, thuamy si kilje, ççy bare.